

صاحب امتیازی :
شهبندر زاده فلبهلی
امیر صامی

اداره و تحریر محلی

جفال اوغلی جاده سنده دائره مخصوصه در .
مخابرات صاحب امتیاز ایله جریان ایتمه لی در .
نشری تاریخندن اون کون کچمش نسخه لر
ایکی غروشد



مراط اشتراك :

برسته لی ۹۵ آتی آیلنی ۵۴ پوسته اتحادینه
داخل ممالك اجنبیه ایچون قرق
فرانقدر

اداره مدیری فلبهلی
محمدذهنی

اعلان ایچون اداره مدیری
محمدذهنی بکه مراجعت ایدیلیر .

عُثمٰی - بالقانہ محاربہ

احوال عمومیہ

بوکونکی وضعیت

شوسطرلر یازلدینی ہنگامہ ہنوز بولغارلر اعلان حرب اولتیا تومی ویرمہ مش ایدیلر . معافیہ دورت کون اول مصلحتکندار مزہ ویریلوب جوابسز براقیلان نوطہ نک حرب اولتیا تومی برنی طوتاجغنی اونہ تمامالی یز . صربستانک حرکاتی دہ یونی کوستر مکدہ در . دیمک کہ حال حربہ یز .

بولغارستان نہ بکلیور ؟

حربدن توقی امکائی یوق ، شوحالہ بولغارستان نہ بکلیور ؟ بوراسنی آکلامق البتہ لازمدر . بولغارستان ، سکز اون کون اول اعلان حرب ایدہ مزدی ، زیرا سفر برلکینی ، کاغد اوزہ رندہ تقرر ابدن مدتہ بتیرہ مہ مش ایدی . ہلہ نخشیداتی پک نقصان قالیوردی . طوپلرینی نقلہ کافی حیوان بولامیوردی فشنککری ایشہ یاراماز اولدینی آکلاشیلیمش ایدی . لکن او وقتدن بری ، شو نواقص مہما ممکن تلافی ایدلمش اولہ جقدہ . اوحالہ نہ بکلیوردی ؟

یکی بولغار محاربہ پیلانی

محترم قارئلرمن ، صرب - یونان اردولرینک برلشمہ سی ، بولغارلرک بویوک بر قوتلہ هجومی اساسلرینہ مبتنی ایلاک حرب پیسلاننک عقیم قالدیغنی بیلیرلر . شیمدی یکی بر پیلان قارشیندہ بولونیورز . صربستان ، بر قول اردوسنی قاراداغک بر فرقہ سی ایلہ برلشدیرہ رک یکی بازار سنجاغندہ عثمانی نی اشغال ایدہ جک . قاراداغک قوای مہمہ سی اشقودہ وغوسینہ جوارلرندہ عثمانی ایلہ چاریشہ جق بالطع صرب حدودی براز عثمانی عسکری اشغال ایدہ جکی کبی کوستندیل حدود استقامت لری دہ مہم رعنائی قوتی اورالردہ آلیقویاجق . صرب اردوسنک الہمہم قوتی ، بولغارستانہ کچہ رک بولغارلرک قوای کثیرہ سیلہ برلشہ جک و [۲۰۰۰۰۰] کیشک لک جسم براردو حرکان تجاوزیہ باشلاہ جق ایدی .

شیمدیلک توقف دورہ سی

بوکون ، وقت ظہرہ قدر توقف دورہ سی دوام ایتدی . بولغارستان ، صربستان و یونان ، ہنوز هجوم مشترکہ باشلامدیلر . لکن بوکون اولماز سہ ، کیچہ ویاخود یارین ، هجوم خبرنی الاجمزی ظن ایلیرور .

بالقان سفیرلری

عثمانی حکومتی ، بالقان دہ سفیرلرینی کری چاغیرمق صورتیلہ او حکومتلرلہ قطع علاقہ ایتشکن ہنوز اونلرک سفیرلری درسعاوندہ بولونیور . سفیرلرک بوکون انشکاک ایدہ جککری پک محملدر .

بوییلان باقی می ؟

صربستان وقاراداغک شیمدی یہ قدر رونما اولان حرکتلرینہ نظرآ بوییلان موجبہ حرکت اولوناجنی ظن ایدیلیرور . صرب قواسنک برقمی بولغارستانہ کچمشدر . معافیہ بوییلان لاقل یوز بیسک صربک حرمانلی وکوستندیلہ کلسہ متوققدر . ایشہ بزظن ایدیورز کہ محاربہ نک تأخری بویلہ برنخشداتک دنہ قدر اجرا ایدیلہ مہ مش اولماسندن ایلری کلیور .

بر احتمال دہا

یالکیز صربستاندہ یکریمی بیسک کوکالی بالقان اردولرینک الہ غیر منتظم والک قیمتسزی اولان صرب اردوسنی ، روس پانسلاویستلری غریب بر صورتلہ تقویہ ایدیورلر . غزتہ ستونلرینہ کچن روایاتہ کورہ صربستانہ یکریمی بیسک روس کوکلیسی کچمش . بو «کوکالی» تعیری برسوری ضابط و عسکری کیزلہ دبکنہ شبہ یوقدر . دیمک کہ بولغارلر ، صرب اردوسنک حاضر لائناسنی بکلیور .

پیلانک داخلی قسمی

اغتشاش اولمایہ جق

بولغارلر ، کوپریری آتمق ، شمندوفرلری تخریب ایتک کبی داخلی اغتشاشلرہ ، قومیتلرہ مستند بر فکرہ دہ مالک ایدیلر . بوییلانک موقع اجرایہ قونو . لامایہ جنی حمد اولسون تحقیق ایتدی . ادارہ عسکریہ نک بویادہ کی تدابیری شایان شکراندر . امید ایدہ رز کہ بوخصوصہ اک بویوک اہمیت عطف ایدیلر .

بولغار قورنازانلی

«دوموز طوی» حرکتی

صوک استطلاعائز ، بولغار پیلاننی تمامیلہ کشف ایتدیکمزی کوستریبور . بولغارلر «دوموز طوی» اصولیلہ والک بیوک قوتلرلہ قرق کلیسا جہتلرینہ هجوم فکرندہ بولونڈق لری آکلاشیلیرور .

مصطفی پاشا جہتلرندہ

حرمانلی دن حرکت ایدہ جک بولغار فرقہ لری ، مصطفی پاشا جہتندہ عثمانی قواسنی اشغال ایدہ جک . اک بویوک قوت ایسہ قرق کلیسا حوالیسہ تجاوزہ چالیشاجق .

مقصد والملری

اولا قوای عثمانیہ نی ایکی یہ آیرمق . صوکر ادرنہ خطندہ قالاچق قوتلہ قرق کلیسا جہتندہ کی قوتک خط مواصلہ سنی کسمک ثانی ادرنہ جہتی ایکی آتش آراسندہ براقرق اورادہ کی قوتک خط رجعتی کسمک و برچویرمہ حرکتیلہ ادرنہ قواسنی ہیچہ ایندیرمک .

بوکا قارشی ؟

البتہ مقتدر قوماندانلرمن ، ارکان حریمزدہ شو پیلانلرہ مقابل مکمل بر پیلانہ مالکدر . ہمدہ شوراسی وارکہ عثمانی پیلاننی یار واغیارہ تمامآ مجھول قالدینی ایچون دہا مؤثر و دہا موفقیت آوردر .

بوندن نہ آکلاشیلیور ؟

بولغارلر ، سریع بر حرکتلہ نیم برموفقیتہ نائل اولمق امانی بسلہ یور . بویلہ یارم برموفقیت ایدہ ایدرسہ ، دول معظمہ ، نتیجہ نی بکلمہ یارک محاربہ توقف امری ویرہ جکینی و بولغار اردوسنک عثمانی پیچہ سندن قورتولاجغنی امید ایدیلیرور .

موقت برموفقیت ، بوتون محاربہ نی

قازانق دکلدہر .

موقت برموفقیت ، بوتون محاربہ نی قازانق دکلدہر . ایلاک مصادماندہ حصولہ کلمہ جک موضعی و موقت غلبہ لر ، ہر وقت نتیجہ یہ بویوک تاثیر یاپاماز . دولت عثمانیہ ، میدان حربہ بولغار اردوسنک برقاچ مثلی قوت سوق ایدہ بیلیر . بولغارلر بوراسنی بیلدکری ایچون برشبہ موفقیت ایلہ اکتفایہ حاضر لانیورلر . بوشبہ موفقیتی دہ یوقارودہ کوستر دیکمز لاقل [۲۰۰۰۰۰] بیسک کیشیلک بردوموز طوی قوتہ مخشدہ سیلہ هجومدن بکلیورلر .

شون مجھ

سز یاماز سہ کز ، بز یاپارز

کرید مبعونلری مسئلہ سی

یونان حکومتی ، کرید مبعونلرینی مجلسنہ قبول ایتشکالہ الحاقی اعلان ایتش دیمکدر . عثمانی حکومتی ، دول معظمہ یہ مراجعتلہ شو حرکتی پروتستو ایتشدہر .

روایت ایدلکینہ کورہ باب عالی ، ایجاب ایدن برلرہ شو یولہ سویلہ مشدر : دول معظمہ ، کرید استاتوقوسنک ادامہ سندن عاجز ایسہ ، دولت عثمانیہ ایجاب ایدن عسکری اطیہ سوق ایدہ رک حقوقی محافظہ یہ مقتدردر .

بوروایت صحیح ایسہ ، قایینی کمال صمیمتیلہ تبریک ایدہ رز .

روسیہ سفیری ایلہ

کامل پاشانہ کوروشمش ؟

روسیہ سفیری موسیو کیرس ، دون کامل پاشا ایلہ وقوع بولان ملاقاتندہ روسیہ حکومتک عثمانی حکومتہ قارشی درکار اولان افکار دوستانہ سندن بحث ایلہ برابر ، بالقان محاربہ سندن روسیہ نک تمامیلہ محافظہ بی طرفی ایدہ جکنہ دائر تائمنات ویرمشدر .

ایتالیانلر عودت ایدہ جک

ممالک عثمانیہ دن طرد و تبعید ایدیلن ایتالیانلرک کافی السابق ایچمزدہ اقامت ایتلرینہ مساعداہ ولتہ جنی (ژون ترک) کجلہ استخباراتندہر .